

## Hydro One Networks Inc. agii gagwedwen odi Ontario Waasmowin Nyaagdowendamajig awii zhitowaad gechi shpaamgak waasamowin bamibdeg biiwaabig.

### Woshme awii Gikendaman.

**Hydro One Networks Inc.** Ontario Waasamowin Nyaagdowendamajig (OEB) agii gagwewe bagidnigewin awii aankosidowaad owi waasmowin biimskobideg 115 bimasewin beka-etemgak 115 gichi waasamowin shpiming waasamowin biiwaabig awii bimaabiising. Naasaab owi api, naaknigewog awii nanaawitowaad owi waasamowin biimskobideg naasaab azhi temgak bedkising waasamowin temgak. Hydro One age adoo gagwediwen awii naawitowaad waasamowin wiigwaaman Timmins biimskobideg waasamowin wiigwaam apiinish Shiningtree nikwemag. Ninda giiksijigewinan ada ndinimawaad IAMGOLD ado Côté monigan nakii gamgon odi etemgak megwaach agwa 20 bimasewin zhaawin-aan-waanong odi Gogama, Ontario.

**Hydro One Networks Inc.** age adoo gagwejimaan OEB awii mina-waabmdamwaad naasaab inendamowin mazinigan maanaa-aad aki debendamjig awii nikaazang ado kiim-waa awii bimaabiising maage awii zhichigaadeg waasamowin bimaabiig.

Aki mazinigan owi enendamowaad awii bimaabiising owi waasamowin biiwaabig maampii niisa-iing mazinibiigaade.

**Owi OEB njike gaabwiimgad miinwaa gaawii gwaya adoo wiijigaabwitwaasiin bemaadzijig nakii gamig. Ada tona-a bizindaajigewin awii dibwegendamowaad Hydro One Networks Inc.'s gagwedwewinan.** Epiichi temgak owi bisindaajigewin OEM ada dibwegendaanaa-aa makegewin miinwaa aazhidenjigewinan gewe ezhitoojig miinwaa bemaadzijig, odenwinan miinwaa aanin ado dibiniwsiwinwaa age madookdaagaadegba.

**Owi OEB bazindaajigewinan adaa dibwegendaanaa-aa bezhigwendaagwog zngendamoowinan newen giizhendamoowinan agaa zhisijigaadeg owi onashowewin.**

Owi Ontario Waasamowin Nyaagdowendamajig (OEB) Naaknigewin, 1998 (owi naaknigewin) zhibiigaadenon newen zngendamoowinan Owa OEB awaa dibwegendamowaad zhitowaad giizhendamoowin. Giishpin dowendaman awii dagokaasyin zhiwe OEB bazindaajigewin, gichi piitendaagwad awii nsastaman newen zngendamoowinan e'yaawong.

Ezhi dowendaagwag owi Ontario Waasamowin Nyaagdowendamajig Naaknigewin owi OEB ada naanaagdowendaanaa-aa nisiwe zngendamoowinan:

- Newen bamitagewinan gewe gaashpinajigegig owi epiit'igindeg miinwaa epiichi penmandaagwog miinwaa epiichi nishing waasamowin izhichigewinan;
- Awii gagaandnigaadeg awii nikaazan aanke nikaazan mashkowi nikaazwin owi nikiwaa e'miigsemgag zhiwe inaaknigewinan owa Gimaa Gamig maampii Ontario; miinwaa
- Ezhinaagwag bezhigwendamoowin owa **Hydro One Networks Inc.** bagidinigewin maagwewaad gewe aki debendamajig medookdaagwaad owi bmaabiig maage temgak owi waasmowin biiwaabikoons

**Owi OEB bazindaajigewin gaawii goweta aawizino bagidnigewin nakiwin nendowendaagwog jibwaa zhichigaadeg owi biiwaabkoons.** Dibishko gonaa Ministry of the Environment, Conservation and Parks' aki mdookdaagewin dabizhigan. Owi OEB ndakenjigewin ada gnowaamdaanaa-aan newen nisiwi debwewinan ezhibiigaadegin maampii shpiming miinwaa gaawii ada gnowaamdaziinaa-aan bkaan dnowaa bebaamendaagwog, dibishko gonaa, aki mdookdaagewin, mina yaawin, enaabminaagwog maage epiitendaagwog dibinowezwin ezhi mdookdaagaadeg.

### GIKENDAMOWIN DEBNAN

Gdaa-aan gshkiweziwin awii debnaman gikendamowin owi **Hydro One Networks Inc.** ado gagwedwewin. Gdaa gindaan **Hydro One Networks Inc.'s** ado gagwedwewin zhiwe OEB ado waasamowin asabii mazinigan (niisa-iing naabin zhiwe "woshme awii gikendaman").

### KIDAN ENENDAMAN

Giishpin awii madookdaayen owi debaachigaadeg waasamo biinwaabig miinwaa e'dagosigin nakii gamgoon, gnimaa gdaa dowendaan woshme awii dagokaazyin owi bizindaajigewin.

- Gdaa maajiibiimowaag OEB zhibiiman gdi inendmowinan, age dibegendamowwad epiichi temgak bazindaajigewin; maage
- Gdaa gagwejimaag awii beignigowin awii aawiyin a'dinaangidoong zhiwe bazindaajigewining (naanaagwi-iing eyaad). Naanagwi-iing eyaajig adaa miigwenaa-aa gikendamowin, azhidendamowaad ezhigaabwiwaad miinwaa miigwewaad gagwedwewinan awii nakwetamowaad **Hydro One Networks Inc. (e'gagwedwejig).** Awii awiyin naanaagwi-iing eyaad, aabdeg owa bemaadzid adaa madokdaagwan owi waasamowin biiwaabig gwek enwendaagwog newen zngendamoowinan OEB owaa dibegendang. Giishpin awii awiyiin naanaagwi-iing eyaad, owi OEB aabdeg ada debnaan gdo gagwedwewin **Bibooni-giizis 3, 2018.**


### WOSHME AWII GIKENDAMAN

Woshme awii gikendamaan gego maanda bazindaajigewin, owaazhi niindaawewin maajiibiigan maage naanaagwi-iing eyaad awii awiyin, maage awii gindiman mazinignan e'dagwendaagwog zhiwe naagdowenjigewining, zhibii-an owi Mooshkinebii-igewin gindaasiwin **EB-2018-0257**

zhiwe OEB waasamoo-asabi mazina'igan: [www.oeb.ca/notice](http://www.oeb.ca/notice). Miinwaa age gdaa abi gnonaa Ritchie Murray odi 1-888-632-6273 aanke gindaaswin182.

### GIIGIDOWIN MIINWAA ZHIBIIGAN BAZINDAAJIGEWIN

Niish dnowaa tenoon OEB bazindaagewinan – giigidowin miinwaa zhibiigan. **Hydro One Networks Inc.** agii gagwedwen e'zhibiigaadeg bazindaajigewin. Owi OEB ado dibaamdaan maanda gagwedwewin. Giishpin nendaman giigidowin bazindaajigewin dowendaagwag, gdaa maajiibiimowaag OEB awii dibaajima-in enji gagwedwedwin jibwaa **Bibooni-giizis 3, 2018.**



### PROTECTION DES RENSEIGNEMENTS PERSONNELS

Giishpin maajiibiigan zhitowin enendaman, gdo inoziwin agaa zhibiiman ada waamdowem zhiwe OEB mazhisha dibaajimowin miinwaa OEB waasamoo-asabi mazina'igan. Adash wiigwa gdo giigido biiwaabkoons gindaasiwin, zhibiigan endaawin miinwaa mazinaatesjigan gdo zhibiigan ada bamigaade. Giishpin naki-gamig aawiyin, kina gdo gikenjigewin mazhisha ada naagwad. Giishpin gagwedwewin awii awiyin naanaagwi-iing eyaad, kina gdo gikenjigewin ada naagwad.

Maanda gagwedwewin agii boozibiigaade zhiwebakebiigan 92 miinwaa 97 owi Ontario Waasamowin Nyaagdowendamajig (OEB) Naaknigewin 1998, c. 15, Zhibiigan B. of the Ontario Energy Board Act, 1998 S.O. 1998, c.15, Schedule B.

Ontario Energy Board  
P.O. Box 2319, 27th Floor  
2300 Yonge Street, Toronto ON M4P 1E4  
Attention: Board Secretary  
Filings: <https://pes.ontarioenergyboard.ca/eservice/>  
E-mail: [boardsec@oeb.ca](mailto:boardsec@oeb.ca)  
Fax: 416-440-7656



Ontario

Ontario Energy Board Commission de l'énergie de l'Ontario